



## RESOLUCIÓN REITORAL DO 8 DE XUÑO DE 2016 POLA QUE SE CONVOCAN CURSOS DE FORMACIÓN EN LINGUA GALEGA PARA O 1.º CUADRIMESTRE DO CURSO ACADÉMICO 2016/2017

A Universidade de Vigo publica a convocatoria de cursos de lingua galega, que se impartirán a partir do mes de setembro de 2016, organizados e xestionados pola Área de Normalización Lingüística.

**Denominación:** cursos de lingua galega

### Listaxe de cursos convocados

- Curso de extensión cultural
- Curso básico de linguaxe sanitaria
- Como expoñer o teu traballo de investigación
- Curso de achegamento á lingua e cultura galegas
- Curso de redacción de documentos administrativos
- Curso de redacción e deseño de traballos académicos e de investigación
- Escribir en internet

**Datas de celebración:** durante os meses de setembro, outubro, novembro e decembro de 2016

### Lugar de celebración

1 Os cursos presenciais:

- Curso de extensión cultural (campus de Vigo, Ourense e Pontevedra)
- Curso básico de linguaxe sanitaria (campus de Vigo, Ourense e Pontevedra)
- Como expoñer o teu traballo de investigación (Campus de Vigo)

Desenvolveranse nos campus da Universidade de Vigo anteriormente sinalados sempre e cando haxa un mínimo de 15 persoas inscritas por campus.

2 O curso semipresencial:

- Curso de achegamento á lingua e cultura galegas (campus de Vigo, Ourense e Pontevedra)

Desenvolverase nos campus da Universidade de Vigo anteriormente sinalados sempre e cando haxa un mínimo de 15 persoas inscritas por campus.

### 3 Os cursos virtuais:

- Curso de redacción de documentos administrativos
- Curso de redacción e deseño de traballos académicos e de investigación
- Escribir en internet

### Duración dos cursos

- Curso de extensión cultural: 75 horas
- Curso básico de linguaxe sanitaria: 10 horas
- Como expoñer o teu traballo de investigación: 10 horas
- Curso de achegamento á lingua e cultura galegas: 20 horas
- Curso de redacción de documentos administrativos: 20 horas
- Curso de redacción e deseño de traballos académicos e de investigación: 20 horas
- Escribir en internet: 25 horas

### Coordinación académica

O director da Área de Normalización Lingüística

### Número de participantes por grupo

Establécese un número mínimo de 15 persoas preinscritas nos cursos; de non se acadar ese número, o curso poderá anularse, e así se lles notificará ás persoas preinscritas. O número máximo de prazas é de 30.

### Consignación orzamentaria

Os gastos derivados da impartición da docencia e da elaboración dos materiais didácticos e docentes imputaranse na partida orzamentaria de Normalización Lingüística 2016 0000 421SNL 226.06.

### Prazo de inscrición

Do 1 ao 23 de setembro de 2016 a través da plataforma virtual bubela.uvigo.es. Así mesmo, o citado prazo pecharase a medida que se cubran as prazas por rigorosa orde de entrega da documentación.

## Matrícula

A matrícula será gratuita para os membros da comunidade universitaria e o alumnado de intercambio. Para as persoas alleas á Universidade de Vigo, o prezo dos cursos de 10 horas será de 20 euros; os demais 40 euros.

Para obter o diploma correspondente, nos cursos presenciais e no semipresencial cómpre asistir ao 80 % das clases. Nos cursos virtuais requírese realizar o 100 % das actividades, das cales hai que superar o 80 %, ademais do sistema de avaliación establecido.

No diploma acreditativo constará a súa denominación, modalidade, duración e programa.

Os cursos estarán recoñecidos con créditos a través de horas de traballo, agás o de Extensión cultural (2 ECTS).<sup>1</sup>



Dilixencia para facer constar que esta resolución se publica con esta data no rexistro desta universidade.



<sup>1</sup>Pendente da autorización pola Comisión de Organización Académica e Profesorado.